

# Aruba Marriott a ricibi TripAdvisor Certificate of Excellence 2014



ORANJESTAD (AAN): Aruba Marriott Resort & Stellaris Casino orguyosamente a ricibi e 'TripAdvisor Certificate of Excellence' pa e hotel, Simply Fish Restaurant y tambe pa Ruth's Chris Steak House.

E certificado di excelencia aki cual ta honra hospitalidad excelente ta worde otorga solamente na companianan cu ta ricibi comentarionan positivo continuamente for di nan cli-

entenan. Solamente 10 por ciento di e mihor companianan cu ta registra riba TripAdvisor ta ricibi e reconocimiento prestigioso aki.

Pa e team di Aruba Marriott esaki ta un reconocimiento hopi importante considerando tur e esfuerso continuo pa colecta comentarionan, mehora e hotel su score y optimisa e hotel su presencia riba TripAdvisor. Pa loke ta 2014, e hotel a logra mantene un score di 90% of mas e prome seis lunanan cual ta indica cu e hotel ta sobresa-liendo un biaha mas.

"E ta un gran honor pa e team completo di Aruba Mar-

riott Resort & Stellaris Casino ricibi e reconocimiento di 'TripAdvisor Certificate of Excellence' y ta pa es motibo nos kier gradici tur nos huespednan cu a tuma e tempo pa comparti nan opinion riba TripAdvisor. No tin un mihor sentimiento di satisfacion cu ta por media di e bon comentarionan di nos huespednan. Esaki ta un un reinfuerzo remarkabel pa nos hotel y nos compromiso pa continuamente duna servicio excelente", a comparti Matt Knights, Hotel Manager di Aruba Marriott Resort & Stellaris Casino.